



Whakaahua nā de\_zigeuner/pixabay.

## **Teo Kāura 13hm te roa**

He manu iti, iti ake i te tiu. He ngāwari te tautohu nā te tāwakawaka kōura i ōna parirau pango, tōna kanohi whero muramura anō hoki. Ka auau te kitea o tēnei momo i ōna ake pōkai e kai ana i ngā kākano nō ngā tātarāmoa me ētahi anō tarutaru. Ko te tioro o te tāne he rōreka te rongo, he pēnei, "tsitt, tsitt, tsitt".



Whakaahua nā Tony Hisgett/flickr.

## **Teo Hāura 14hm te roa**

He rite tōna hanga ki te tiu, heoi he kiwikiwi tōna uma, he pīrahirahi, he pango ūna ngutu. Ka auau te kitea ūna i te taha o ngā ara hikoi e kai ana i te papa tata ki ngā wāhi marumaru. Ka tūpono ki tētahi, kāore e tino tawhiti tana rere atu. Ka kitea whānuitia i te Botanic Garden ki te taha o te ara putiputi hydrangea, te ara māra otaota hoki.



Wellington Gardens

## **Wellington Botanic Garden ki Paekākā**

### **Ōtari-Wilton's Bush**

### **Bolton Street Cemetery ki Paekākā**

### **Truby King Park**


Ko Pōneke tētahi o ngā tāone nui ruarua noa nei e piki haere ana te rerenga rauropi taketake. Kei te hoki mai anō te mauri o Papatūānuku nā ngā mahi a ngā ringa raupā o te Kaunihera, nā ngā kaitūao papori anō hoki.

Ki te hia māramatanga atu anō, toro atu ki te paetukutuku o nzbirdsonline.org.nz, kōrero rānei ki tētahi kaimahi. Ka pai hoki to tuku i ō kitenga ki te paetukutuku ebird.org, ki inaturalist.nz. rānei.

E mihi ana i tō kore whāngai i ngā manu ki tāwhi o te roto rakiraki ki te Wellington Botanic Garden.

Absolutely Positively  
**Wellington City Council**  
Me Heke Ki Pōneke

[wellingtongardens.nz](http://wellingtongardens.nz)



## **Ngā Māra o Pōneke**

## **Ngā Tohutohu Mātaki Manu**



Wellington Gardens

Absolutely Positively  
**Wellington City Council**  
Me Heke Ki Pōneke



Whakaahua nā Pseudopanax/Wikimedia Commons.

## Kererū

**51hm te roa**

He kaitā, he taketake ki Aotearoa, he kākāriki, he mā ūna rau, he karaka-whero ūna ngutu, he whero hoki ūna whatu. He hoihoi ūna parirau i a ia e rere ana, engari he māika tonu i a ia e okioki ana. Ko te nuinga o āna kai he huarākau, ā, he wāhi nui hoki tāna hei whakakorara i ngā kākano nō ngā huarākau taketake kia puāwai hei rākau ake.



## Korimako

**20hm te roa**

I tapaina mō te āhua o tana reo waiata mārie pērā i te pere, e rerekē ai ki tā te tūī, nā te korenga o ūna tangi ngunguru, ūna tangi ngoia hoki. Rite ana ki te tūī, ka kainga e te korimako ngā ngārara, ngā huarākau, ngā pīnati, ngā waihonga hoki. He ūriwa-kākāriki te tae o tō te tāne huruhuru, he parauri tō te uwha.

Whakaahua nā Sid Mosdell/flickr.



## Kākāriki

**28hm te roa**

He kākā taketake kua piki ake te kitenga ūna i ngā māra, mei kore ake a Zealandia i pērā ai. Kua kaha rangona rātou e tarawhetewhete ana, e kotokoto ana i te ngahere. Ā, i ētahi wā kua kitea rātou e kai mataara ana i te taha o ngā ara hīkoi ngahere. He kākāriki tōna tinana, engari anō tētahi wāhangā whero kei tōna māhunga, kei runga ake i ūna ngutu.

Whakaahua nā Sid Mosdell/Wikimedia Commons.



Whakaahua nā Mosborne01/Wikimedia Commons.



Whakaahua nā Toby Hudson/Wikimedia Commons.

## Tauhou

**12hm te roa**

He pīpī tonu tōna hanga, kua mōhiotia whānuitia mō te porohita mā e ponitaka ana i ūna karu. He manu hihiko, he manu makekeno. Ka auau te kitea i tōna pōkai i te māra e kai ana i ngā ngārara, i ngā huarākau, i ngā waihonga hoki. Koia nei tana karanga i a ia e whawhai ana, “cli, cli, cli”.



## Ruru

**29hm te roa**

He manu parauri-tāingoingo uriuri, he manu moeao. Me uaua ka kitea ki ngā māra, engari i ūna wā ka rangona ia i te pō e karanga ana i tana karanga “more pork”.

Whakaahua nā Sid Mosdell/flickr.



## Pūtangitangi

**63hm te roa**

He rakiraki nui ūna wā kitea ai ki te Hāroto Rakiraki, ki te Lady Norwood Rose Garden rānei i te raumati. Ko te rerekētanga o te tāne me te uwha, he upoko mā tō te uwha, he upoko pango tō te tāne. He kōroto ake nei tā te tāne karanga.



Whakaahua nā Matt Binns/Wikimedia Commons.





Whakaahua nā Matt Binns/Wikimedia Commons.

## Tūī 30hm te roa

E kitea whānuitia ana i ngā māra, i ngā wāhi kei reira te huarākau, te waihonga hoki. Ka kainga e ia ngā rōpere karangū, te waihonga hoki o te pūriri, o te pōhutukawa, o te kōwhai, o te harakeke, o te purukamu. He ngāwari te tautohu i a ia nā tōna tae kākāriki-hiriwa me tōna wekuweku mā e takairi ana i tōna korokoro. He tangi rōreka, he tangi tiotio, he tangi ngoio ka puta i a ia.



## Kōtare 24hm te roa

He kōtare iti, kahurangi-kākāriki, taketake ā, he roa, he tōtika hoki ōna ngutu. I ētahi wā ka kitea ia e tūhuna ana i ngā taura hiko, i ngā peka hoki o ngā rākau i te pātīti o te Soundshell. He kaha te tangi o tana karanga motuhake “keck, keck, keck”, he karanga ka tōaitia roatia e ia. Ko āna kai ko ngā pāpaka iti, ko ngā kōura me ngā ika ririki, tae rawa ki ngā ngārara, ngā mokomoko, ngā kiore me ngā noke.



## Piwakawaka 16hm te roa



Whakaahua nā Bernard Spragg/Wikimedia Commons.

## Piwakawaka 16hm te roa

He iti, he huhua, he tūturu nō Aotearoa. He ngāwari te āhukahuka nā tōna whiore pōwaiwai, nā ana nekehanga whanokē i a ia ka hopu i ngā ngārara e rere ana. Ka auau te kitea ōna e kai ngātahi ana me ngā tauhou i ngā mahuetanga o te ngahere. E rua ana karanga motuhake āna, tuatahi ko te “cheet”, tuarua ko te karanga a te tāne, “tweet-a-tweet-a-tweet”.



Whakaahua nā Dibyendu Ash/Wikimedia Commons.

## Ritoriro 10hm te roa

Tēnei nā he pāpaku, he tūturu nō Aotearoa, ka kaha rangona ia i ngā māra, nā te roa, te reka, te whakahoho hoki o tana tangi. I te nuinga o te wā, ka kainga e ia ngā momo pēnei i ngā tuaiwi-kore mā te titakataka haere i ngā puia rākau, i a ia rānei e rērere haere ana i te rangi.



Whakaahua nā Small/Wikimedia Commons.

## Kākā 45hm te roa

Tēnei momo he kākā ngahere kaitā, ka auau te kitea ōna ki ngā māra nā te angitū o tā Zealandia mahi ki te whakahaumanu i a ia. He manu hikaka, he manu makekeno. Ko āna karanga he whio, hei kakū rānei. I te mea ko te pia rākau tētahi o āna kai, he auau tā te kākā tīhore i te kiri rākau me tana arero paraehe nei te hanga.



Whakaahua nā Tony Wills/Wikimedia Commons.

## Kārearea 43hm te roa

He wā tōna ka kitea tēnei manu ki ngā māra, he manu parauri, he taketake ki a Aotearoa. Ka tere tana rere me te tere o te papaki o ōna parirau, he auau hoki tana tau iho ki ngā tino taumata o ngā rākau. Kua kitea ia e kōtiu ana ki te hopu i ngā pārurenga pēnei i te kererū toka.





Whakaahua nā JJ Harrison/Wikimedia Commons.

## Kakā Kitakita

32hm te roa

He kākā nō Ahitereiria tūturu, i kawea mai ki Aotearoa i tōna 100 tau ki muri, hei manu noho pākorokoro. He kōkōwai te tae o tōna māhunga, he whero, he kōwhai tōna tuarā, he kahurangi te tae o ūnā parirau, ā, he kārikikōwhai ngā huruhuru whiore. I a ia e rere ana, he “kwink, kwink” tāna tangi. Ka puta hoki he oro hūkeke. I te nuinga o te wā, he kākano, he huarākau, he tipu anō hoki ana tino kai. He wā anō ka kai ia i ngā ngārara.



Whakaahua nā Geraldine Rose/pixabay.

## Makipai

41hm te roa

He mea kawe te manu nei nō Ahitereiria, hei āwhina ki te patui ngā riha pēnei i ngā tūtae ruru. He manu kaha tēnei ki te tiaki i tōna ake rohe kāinga i te wā o te whakatupu kūao. Nā te kaitihi rotarota, nā Denis Glover i whakaahua i tā te Makipai waiata reka, “Quardle oodle ardle wardle doodle”. He auau te wā ka kitea tēnei manu ki ngā paina e tata ana ki ngā pātītī makipai.



Whakaahua nā Alain Carpentier/Wikimedia Commons.

## Rakiraki

58hm te roa

Koia nei te momo rakiraki ka auau te kitea i te Botanic Garden. Ko te tāne, he pōuri, he kākāriki mōhinuhinu tōna upoko, ā, ko tōna tinana he mōhinahina. Ko te uwha he tāhekeheke, he korotiwhatiwha parauri. Ko ana kai he mea timotimo mai i te kārewa o te wai. Kua mōhiotia whānuitia tana karanga; “quack, quack”. I ngā wā katoa kitea ai ki te Hāroto Rakiraki me te Māra Rōhi. Ka taea te moe tahi me te Pārera.



Whakaahua nā Andreas Trepte/Wikimedia Commons.

## Teo Kōwhai

16hm te roa

Nō ngā rautau 19 tēnei momo kōkuhuna ai ki Aotearoa, ā mohoa nei kua hōrapa i te motu. Ko te tāne he kōwhai kitakita tōna māhunga, engari anō te uwha he kōmā. He kākano, he rauropi tuaiwi-kore ana kai. Hei te hōtoke, te ngahuru hoki ko tāna he huitahi ki tōna momo.

CB01179

## Ētahi anō manu ka kitea i Pōneke



Manu Pango



Tāringi



Arero Pāoro



Tiu



Kererū Toka



Karoro Tuarā-pango

Manu Pango. Whakaahua nā Andreas Trepte/Wikimedia Commons.  
Tāringi. Whakaahua nā Pierre Selim/Wikimedia Commons.  
Arero Pāoro. Whakaahua nā Tony Hisgett/Wikimedia Commons.  
Tiu. Whakaahua nā Adamo/Wikimedia Commons.  
Kererū Toka. Whakaahua nā Mindaugas Urbonas/Wikimedia Commons.  
Karoro Tuarā-pango. Whakaahua nā Andreas Trepte/Wikimedia Commons.

Nā te kanorau o ngā momo koiora o konei, kua mōhiotia whānuitia a Aotearoa hei wāhi rerenga rauropi matua huri noa i te ao. Ko ētahi manu ka kitea ki Aotearoa anake ā, e kore e kitea ki wāhi kē atu - koia he manu **taketake**.

Ko ētahi manu ka kitea ki wāhi kē atu, ki Aotearoa hoki - he manu **tūturu** nō konei, engari ehara i te manu taketake. He maha hoki ngā manu rāwaho kua kawea mai e te tangata ki Aotearoa i ngā rautau tata nei.

## Ngā tohu

Taketake nō Aotearoa

Tūturu ki Aotearoa

Kawea mai ki Aotearoa

E hia ka kitea?  
Tohua ngā pouaka

**hm** **henemita** te rahi  
o te manu mai i te  
ngutu ki te whiore